

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2022/75, 22.04.2022թ.

Շտկման ամսաթիվը՝ 28.04.2022թ.

Բողոք բերող անձ՝ «ԼԵԴԱ» ՍՊԸ

Պատվիրատու՝ «Երևանի պետական համալսարան» հիմնադրամ

Գնման ընթացակարգի ծածկագիրը՝ ԵՊՀ-ԳՀԾՁԲ-22/84

Գնման առարկան՝ ավտոկայանատեղերում կայանման ավտոմատացման և կառավարման սմարթ համակարգերի տեղադրման և սպասարկման ծառայությունների ձեռքբերում

Բողոքի պահանջը՝ պարտավորեցնել ԵՊՀ-ԳՀԾՁԲ-22/84 ծածկագրով գնման ընթացակարգի գնահատող հանձնաժողովին՝

1. դադարեցնել 18.04.2022թ. թիվ 3 արձանագրությամբ կայացրած բոլոր որոշումները,
2. կատարել 24.03.2022թ. թիվ 2 արձանագրությամբ կայացրած որոշումները:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ֆ. ՄԱՆԳՅԱՆ**

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ

որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքներ քննող անձին

Հասցե՝ ՀՀ, ք. Երևան, Մ. Ադամյան 1

Բողոք բերող անձ՝ «ԼԵԴՍ» ՍՊԸ

ՀՎՀՀ 05553946

Գնման ծածկագիր՝ ԵՊՀ-ԳՀԾՁԲ-22/84

Տնօրեն՝ Տարոն Թարգյան

Հասցե՝ ՀՀ, ք. Երևան, Հակոբ Հակոբյան 3

հեռ: 077432321

Պատվիրատու՝ «ԵՊՀ» հիմնադրամ

Հասցե՝ ՀՀ, ք. Երևան, Ալեք Մանուկյան 1

ԲՈՂՈՔ

(թիվ ԵՊՀ-ԳՀԾՁԲ-22/84 մրցույթի արդյունքների վերաբերյալ)

Բողոքարկվող գնման ընթացակարգի ծածկագիրը՝ ԵՊՀ-ԳՀԾՁԲ-22/84:

Բողոքարկվող գնման ընթացակարգի առարկան՝ «Երևանի Պետական Համալսարան» հիմնադրամի կարիքների համար ԵՊՀ ավտոկայանատեղերում կայանման ավտոմատացման և կառավարման «սմարթ» համակարգերի տեղադրման և սպասարկման ծառայությունների ձեռքբերման նպատակով կազմակերպված գնման ընթացակարգ:

I. Գործի նախապատմությունը.

1. «ԵՊՀ» հիմնադրամը (այսուհետ՝ Պատվիրատու) 17.03.2022թ տարածել է գնանշման մասին հայտարարություն, որով հայտնվել է հետևյալը.

1.1. Սույն ընթացակարգի (այսուհետ՝ Մրցույթ) արդյունքում ընտրված մասնակցին սահմանված կարգով կառաջարկվի կնքել ԵՊՀ ավտոկայանատեղերում կայանման ավտոմատացման և կառավարման սմարթ համակարգերի տեղադրման և սպասարկման ծառայությունների մատուցման պայմանագիր (այսուհետ՝ Պայմանագիր):

1.2. Ընտրված մասնակիցը որոշվում է ոչ գնային պայմաններով բավարար գնահատված հայտեր ներկայացրած մասնակիցների թվից՝ նվազագույն գնային առաջարկ ներկայացրած մասնակցին նախապատվություն տալու սկզբունքով:

Ընթացակարգի հրավերը թղթային ստանալու համար անհրաժեշտ է դիմել պատվիրատուին, մինչև սույն հայտարարության հրապարակման օրվանից հաշված՝ 7-րդ օրը ժամը 10:00-ը: Ընդ որում, թղթային ձևով հրավեր ստանալու համար պատվիրատուին պետք է ներկայացնել գրավոր դիմում: Պատվիրատուն ապահովում է թղթային ձևով հրավերի տրամադրումն այդպիսի պահանջ ստանալուն հաջորդող առաջին աշխատանքային օրը:

Էլեկտրոնային ձևով հրավեր տրամադրելու պահանջի դեպքում պատվիրատուն անվճար ապահովում է հրավերի՝ էլեկտրոնային ձևով տրամադրումը դիմումը ստանալու օրվան հաջորդող աշխատանքային օրվա ընթացքում:

Հրավեր չստանալը չի սահմանափակում մասնակցի՝ սույն ընթացակարգին մասնակցելու իրավունքը:

Սույն ընթացակարգին մասնակցության հայտերն անհրաժեշտ է ներկայացնել էլեկտրոնային ձևով՝ էլեկտրոնային գնումների Armeps (www.armeps.am) համակարգի միջոցով մինչև սույն հայտարարության հրապարակման օրվանից հաշված 7-րդ օրվա ժամը 10:00 -ը: Հայտերը, հայերենից բացի, կարող են ներկայացվել նաև անգլերեն կամ ռուսերեն:

Հայտերի բացումը տեղի կունենա էլեկտրոնային ձևով՝ էլեկտրոնային գնումների Armeps համակարգի միջոցով, 2022 թվականի մարտի 24-ին ժամը 10:00-ին:

Սույն ընթացակարգի վերաբերյալ բողոքները պետք է ներկայացնել գնումների հետ կապված բողոքներ քննող անձին՝ ք. Երևան, Մելիք-Աղամյան փող. 1 հասցեով: Բողոքարկումն իրականացվում է սույն մրցույթի հրավերով սահմանված կարգով: Բողոքը ներկայացնելու համար պահանջվում է վճար՝ 30 000 (երեսուն հազար) ՀՀ դրամի չափով, որը պետք է փոխանցվի Հայաստանի Հանրապետության ֆինանսների նախարարության անվամբ բացված «900008000482» գանձապետական հաշվեհամարին:

2. Մրցույթին մասնակցել են մի շարք ընկերություններ, այդ թվում «ԼԵԴՍ» ՍՊԸ-ն (այսուհետ՝ Դիմումատու):

3. Մրցույթի 1 և 2 չափաբաժինների հաղթող է ճանաչվել Դիմումատուն (հիմք թիվ 2 արձանագրությունը), ինչի արդյունքում 2022թ մարտի 31-ին Armeps (www.armeps.am) համակարգի միջոցով Դիմումատուին ուղարկվել է պայմանագիր կնքելու առաջարկ և պայմանագրի նախագիծ, որն իր հերթին ընդունվել է Դիմումատուի կողմից սահմանված ժամկետում:

4. Դիմումատուն պայմանագիրը ներկայացրել է նաև Պատվիրատուին 08.04.2022թ, որը հավաստվում է կից ներկայացվող գրությամբ:

4. 18.04.2022թ Գնահատող հանձնաժողովի թիվ 3 արձանագրությամբ նշվել է հետևյալը. «ԵՊԸ-ԳՀԾՁԲ-22/84 ծածկագրով գնման ընթացակարգի 1-ին և 2-րդ չափաբաժինների համար ընտրված մասնակից՝ «Լեդս» ՍՊԸ-ի կողմից սահմանված կարգով և ժամկետում Պատվիրատուի փաստաթղթաշրջանառության համակարգ մուտք չի եղել ընտրված մասնակցի կողմից ներկայացվող կից գրությունը, հաստատված պայմանագրի նախագիծը և պայմանագիրը կնքելու համար պահանջվող փաստաթղթերը: Հաշվի առնելով վերոգրյալը և հիմք ընդունելով «Գնումների մասին» ՀՀ օրենքի 36-րդ հոդվածի 3-րդ կետը և սույն հրավերի 8.20 կետը, գնահատող հանձնաժողովը որոշեց՝

1. Հիմք ընդունելով Օրենքի 6-րդ հոդվածի 1-ին մասի 6-րդ կետի բ) պարբերությունը «Լեդս» ՍՊԸ-ի հայտը գնահատել անբավարար և մերժել, ինպես նաև վերջինիս տվյալները գրավոր ներկայացնել լիազոր մարմնին, որը դրանք ստանալուն հաջորդող հինգ աշխատանքային օրվա ընթացքում նախաձեռնում է տվյալ մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ համաձայն 2022 թվականի հունվարի 12-ի որոշմամբ հաստատվել են ընթացակարգի բոլոր մասնակիցների կողմից ներկայացված հայտերի՝ հրավերի պահանջներին համապատասխանության գնահատման արդյունքները, ինչպես նաև հայտարարվել է ընտրված մասնակցի անունը.»:

II. Բողոքի իրավական և փաստական հիմքերը.

Գնումների մասին ՀՀ օրենքը (այսուհետ՝ Օրենք) հիմնվում է հետևյալ կարևորագույն սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն: (Օրենքի 3-րդ հոդվածի 1-ին մասի 2-րդ կետ):

Օրենսդրի կողմից գնումների գործընթացը թափանցիկ, ոչ խտրական, մրցակցային կազմակերպելը սահմանվել է ապահովելու ազատ, առողջ մրցակցային դաշտ ստեղծելու համար:

Քննարկվող դեպքում հայտարարված մրցույթին մասնակցել են մի քանի ընկերություններ, որոնք ունեն հավասար իրավունքներ: Գնահատող հանձնաժողովն իր հերթին պարտավոր է ապահովել բոլոր մասնակիցների՝ գնման գործընթացին անխոչընդոտ, հավասար մասնակցությունը:

Միևնույն ժամանակ, հանձնաժողովի վարքագիծը փոքր ինչ տարօրինակ է այն տրամաբանությունից ելնելով, որ փաստացի Դիմումատուն որևէ խախտում թույլ չի տվել, ինչը հավաստվում է վկայակոչված փաստերով:

Այլ կերպ ասած, անհասկանալի է ինչ իրավական և փաստական հիմնավորումներով է առաջնորդվել Պատվիրատուն՝ կայացնելով թիվ 3 արձանագրությունը:

Քննարկվող դեպքում Պատվիրատուն նշում է, որ ««Լեդս» ՍՊԸ-ի կողմից սահմանված կարգով և ժամկետում Պատվիրատուի փաստաթղթաշրջանառության համակարգ մուտք չի եղել ընտրված մասնակցի կողմից ներկայացվող կից գրությունը, հաստատված պայմանագրի նախագիծը և պայմանագիրը կնքելու համար պահանջվող փաստաթղթերը», մինչդեռ եթե Դիմումատուն չի ներկայացել որոշակի փաստաթղթեր և փաստացի չի բավարարել հայտի պահանջները, ապա ինչո՞ւ է Պատվիրատուի կողմից ներկայացվել պայմանագրի կնքելու առաջարկ և նախագիծ: Մյուս կողմից, կից ներկայացված գրությամբ փաստվում է, որ Դիմումատուն սահմանված ժամկետում և կարգով ներկայացրել է նաև իր կողմից ստորագրված պայմանագիրը և անհրաժեշտ փաստաթղթերը, հետևաբար Դիմումատուն որևէ խախտում թույլ չի տվել:

III. ՊԱՀԱՆՋԸ

Հաշվի առնելով վերը նշվածը, ղեկավարվելով Գնումների մասին ՀՀ օրենքի 50-րդ հոդվածի պահանջներով,

ԽՆԴՐՈՒՄ ԵՆՔ

1. Պարտավորեցնել թիվ ԵՊՀ-ԳՀԾԶԲ-22/84 ծածկագրով բաց մրցույթի գնահատող հանձնաժողովին դադարեցնել 18.04.2022թ տեղի ունեցած թիվ 3 նիստի արձանագրությամբ (ճշտված) կայացրած բոլոր որոշումները,

2. Պարտավորեցնել թիվ ԵՊՀ-ԳՀԾՁԲ-22/84 ծածկագրով բաց մրցույթի գնահատող հանձնաժողովին կատարել թիվ 24.03.2022թ թիվ 2 արձանագրությամբ կայացված որոշումները:

Կից ներկայացվում է.

1. դիմումատուի պետ. ռեզիստրի վկայականի, տնօրենի անձնագրի պատճենները,
2. ժողովի արձանագրությունների պատճեններ,
3. պայմանագիրը և կից փաստաթղթերը ստանալը հավաստող գրության պատճենը,
4. պետական տուրքը վճարված լինելու փաստը հավաստող ապացույց:

Հարգանքով,
«ԼԵԴՍ» ՍՊԸ տնօրեն՝ Տարոն Թարգյան
21.04.2022թ

Digitally signed by TARZYAN TARON
1507920636
Date: 2022.04.27 17:50:48 AMT